

Na osnovu člana 78. Zakona o budžetima u Federaciji Bosne i Hercegovine ('Službene novine Federacije BiH' br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), poglavlja III. Smjernica za uspostavu i jačanje interne kontrole kod budžetskih korisnika ("Službene novine Federacije BiH" br. 19/05), člana 106. Statuta općine Ilijaš - prečišćeni tekst ('Službene novine Kantona Sarajevo' br.20/09-prečišćeni tekst i 46/18) Općinski načelnik, donosi

P R A V I L N I K **o reprezentaciji i poklonima**

OPĆE ODREDBE

Član 1.

Ovim Pravilnikom uređuju se način korištenja budžetskih sredstava namijenjenih za reprezentaciju, procedura davanje i primanje poklona i vođenja evidencije o primljenim poklonima u Službama za upravu i drugim službama Općine Ilijaš i stručnoj službi za poslove Općinskog vijeća Općine Ilijaš (u daljem tekstu Općina).

Član 2.

Riječi i pojmovi koji se koriste u ovome Pravilniku, a koji imaju rodno značenje, odnose se jednako na muški i ženski rod, bez obzira na to u kojem su rodu navedeni.

Član 3.

Termini koji se koriste u ovom Pravilniku imaju sljedeća značenja :

- a) Reprezentacija je izdatak koji se javlja u toku obavljanja redovnog poslovanja s ciljem ostvarivanja i održavanja poslovnih odnosa, obilježavanja godišnjica i drugih značajnih događaja za Općinu, kao i ostvarivanja interesa Općine ;
- b) Poklonom se smatra lična korist u vršenju javne funkcije, a podrazumijeva stvari, prava, usluge bez naknade, te neka druga lična korist, data Općinskom načelniku, Predsjedavajućem Općinskog vijeća, uposleniku Općine, kao i svaka isplata, djelovanje, usluga ili predmet od vrijednosti učinjeno izravno primaocu, bez naknade ili očekivane naknade i drugih materijalnih predmeti stvarne ili simbolične vrijednosti, koji se uobičajeno razmjenjuju tokom obavljanja poslova iz djelokruga Općine, a kako bi se obilježile posjete ili posebni događaji ;

VISINA SREDSTAVA

Član 4.

Sredstva za reprezentaciju i poklone su sredstva koja se planiraju Budžetom Općine Ilijaš za troškove jela, pića i osvježenja koja se služe tokom radnih sastanaka (kako internih tako i eksternih), troškove nabavke roba koja se kupuju za potrebe internog bifea i kabineta, kao i troškove za nabavku poklona.

Rashodi na ime reprezentacije i poklona mogu se izvršiti najviše do ukupnog iznosa koji je odobren u Budžetu.

Član 5.

Sredstva za poklone i reprezentaciju utvrđuju se u Budžetu Općine za tekuću godinu na budžetskoj poziciji – Usluge reprezentacije - ekonomski kod 613914.

Služba za privredu i finansije redovno prati izvršenje budžeta u odnosu na planirani iznos za poklone i reprezentaciju, te pravovremeno izvještava Općinskog načelnika.

KORIŠTENJE SREDSTAVA REPREZENTACIJE

Član 6.

Sredstva reprezentacije, zavisno od mjesta nastanka troška, utvrđuju se kao :

- a) Eksterna reprezentacija za institucije i organizacije iz stava 2. ovog člana i njihove predstavnike i istaknute pojedince ;
- b) Interna reprezentacija za Općinskog načelnika i Predsjedavajućeg Općinskog vijeća i osobe koje oni ovlaste

Institucije i organizacije u smislu ovog Pravilnika su : predstavnici državne vlasti Bosne i Hercegovine, Federacije Bosne i Hercegovine, kantona, gradova, općina i drugih nivoa vlasti u Bosni i Hercegovini, te predstavnici iz inostranstva, kao i druga domaća i strana fizička i pravna lica i nevladine organizacije.

Član 7.

Pravo na eksternu reprezentaciju imaju :

- Funkcioneri Općine
 - o Općinski načelnik
 - o Predsjedavajući Općinskog vijeća

Pravo na internu reprezentaciju imaju :

- Funkcioneri iz stava 1. ovog člana
- Uposlenici Organa državne službe i to :
 - o Sekretar Općinskog vijeća
 - o Pomoćnici Općinskog načelnika

Član 8.

U obavljanju svoje funkcije u zgradi Općine (sastanci, prijem gostiju, stranaka i sl.), Općinski načelnik i Predsjedavajući Općinskog vijeća kao reprezentaciju mogu koristiti :

- usluge aparata za tople napitke i bezalkoholna pića ;
- troškove roba koje se nabavljaju za potrebe internog bifea.

U izuzetnim slučajevima a po odobrenju Općinskog načelnika prilikom organizacije sastanaka reprezentaciju mogu koristiti i Pomoćnici općinskog načelnika i Sekretar Općinskog vijeća.

Član 9.

Općinski načelnik i Predsjedavajući Općinskog vijeća imaju pravo i na reprezentaciju u drugim ugostiteljskim objektima povodom organizovanja poslovnih susreta značajnih za Općinu, obilježavanje praznika i održavanje manifestacija.

Sredstva za namjenu iz stave 1. Ovog člana mogu se koristiti bez ograničenja, razumno i primjereno povodu nastanka troška, vodeći računa o raspoloživim sredstvima za reprezentaciju.

Član 10.

Troškovi eksterne i interne reprezentacije pravdaju se tako da se na poleđini računa ili drugog vjerodostojnog dokumenta, na osnovu kojeg se vrši plaćanje upisuje podatak o osnovu i korisniku reprezentacije, datum i potpis osobe koja je naručila uslugu.

PROCEDURE I PRAVILA PRIMANJA I DAVANJA POKLONA

Član 11.

Pokloni iz člana 3. stav 1. tačka b) ovog Pravilnika mogu se davati predstavnicima državne vlasti Bosne i Hercegovine, Federacije Bosne i Hercegovine, kantona, gradova, općina i drugih nivoa vlasti u Bosni i Hercegovini i predstavnicima iz inostranstva, te drugim domaćim i stranim fizičkim i pravnim licima pod uslovima utvrđenim ovim Pravilnikom:

1. prilikom službenih posjeta gostiju Općini ;
2. prilikom službenih posjeta i boravka Općinskog načelnika ili drugih ovlaštenih predstavnika općine ;
3. prilikom obilježavanja državnih, vjerskih i drugih praznika, odnosno važnih događaja.

Član 12.

Poklonom, u smislu ovog Pravilnika, podrazumijeva se pribavljanje i dodjeljivanje predmeta od vrijednosti, i to:

- robe za utisnutim simbolom općine,
- umjetničke slike,
- fotografije i reprodukcije
- suveniri, rokovnici, kalendari, tašne i druga kožna galanterija,
- knjige i druga pisana djela,
- cvjetni aranžmani,
- zlatni i srebrni nakit, ručni džepni satovi,
- predmeti od platna s motivima narodnog veza, grba i zastave Općine (kravate, šalovi, maramice, nadstolnjaci, salвете, zastave, lente i sl.)
- ostali prigodni oficijelni pokloni.

Nabavka robe iz stava 1. ovog člana provodit će se u skladu s odredbama Zakona o javnim nabavkama BiH.

Član 13.

Općinski načelnik te ovlašten predstavnici Općine mogu davati poklone gostima do visine utvrđene u godišnjem budžetu, s tim da pojedinačni poklon za jednog gosta ne može biti veći od vrijednosti 300,00 KM.

Član 14.

O dodjeljivanju poklona u ime Općine odlučuje Općinski načelnik ili drugi ovlašten predstavnici Općine vodeći računa o svrsi dodjele, posjete gostiju, uslovima i nivou pod kojima se posjeta obavlja, kao i visini planiranih sredstava za te namjene.